

Na osnovu člana 16. stav 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 07/10) i člana 46. Zakona o izvršavanju Budžeta Zeničko – dobojskog kantona za 2013. godinu („Službene novine Zeničko – dobojskog kantona“, broj: 19/12), a na prijedlog Ministarstva za privredu, Vlada Zeničko-dobojskog kantona, na 143. sjednici, održanoj 31.12.2013. godine, d o n o s i

ODLUKU

o odobravanju finansijskih sredstava-subvencioniranje troškova certifikacije energetske efikasnosti građevinskog objekta džamije Medžlisa Islamske zajednice Visoko

Član 1.

(Predmet)

Odobravaju se finansijska sredstva – subvencija troškova certifikacije energetske efikasnosti građevinskih objekata džamije Medžlisa Islamske zajednice Visoko u iznosu od 19.417,50 KM (slovima: devetnaest hiljada četiristina sedamnaest konvertibilnih maraka i 50/100), na ime refundacije troškova certifikacije energetske efikasnosti za izgrađeni objekat proizvodne površine 647,25 m², namjenjen za obavljanje vjerskih obreda, u općini Visoko.

Član 2.

(Ekonomski kod)

Odobrena sredstva iz tačke I. ove odluke isplatit će se iz Budžeta Zeničko-dobojskog kantona za 2013. godinu, razdjel 18, budžetska organizacija 01, potrošačka jedinica 0001, ekonomski kod 614 100 – IAD002, pozicija „Realizacija projekata Vlade koji se finansiraju iz prihoda od koncesija“, na žiro-račun broj: 1608010000002778 kod Vakufske banke d.d. Sarajevo.

Član 3.

(Provođenje Odluke)

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima realizuju ovu odluku svako u okviru svojih nadležnosti.

Član 4.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-14-27635/13.

Datum, 31.12.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za privredu,

1x Medžlis Islamske zajednice Visoko,

Kralja Tvrtka 31-putem ministarstva,

1x Ministarstvo finansija,

1x „Službene novine Zeničko-dobojskog kantona“,

1x a/a.